



ს ა ქ ა რ თ ვ ე ლ ო

საქართველოს ადმინისტრაციულ-ტერიტორიულ ერთეულებში
(აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის,
ხობის მუნიციპალიტეტებსა და ქალაქ ფოთის მუნიციპალიტეტში)

სახელმწიფო რწმუნებულის გ ა ნ კ ა რ გ უ ლ ე ბ ა

N 42
13/03/2020

42-01-4-202003131633



„ახალი კორონავირუსის (COVID-19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 მარტის №529 განკარგულების გათვალისწინებით, სახელმწიფო რწმუნებულის ადმინისტრაციაში საქმიანობის დამატებითი ღონისძიებების განსაზღვრის თაობაზე

საქართველოს კანონის „საქართველოს ზოგადი ადმინისტრაციული კოდექსი“ 52-ე და 53-ე მუხლების, „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27³ მუხლის პირველი პუნქტის, „სახელმწიფო რწმუნებულის დებულების დამტკიცების შესახებ“ საქართველოს მთავრობის 2013 წლის 29 ნოემბრის №308 დადგენილების პირველი მუხლით დამტკიცებული დებულების მე-5 მუხლის „ფ“ პუნქტის, მე-6 მუხლის შესაბამისად და „ახალი კორონავირუსის (COVID-19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 მარტის №529 განკარგულების საფუძველზე:

1. „ახალი კორონავირუსის (COVID-19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 მარტის №529 განკარგულების გათვალისწინებით, ახალი კორონავირუსის შესაძლო გავრცელების აღსაკვეთად სახელმწიფო რწმუნებულის ადმინისტრაციაში საქმიანობის დამატებითი ღონისძიებების გატარების მიზნით 2020 წლის 16 მარტიდან დაევალოთ სახელმწიფო რწმუნებულის ადმინისტრაციის სტრუქტურული ერთეულების ხელმძღვანელებს უზრუნველყონ:
 - ა) შესაბამისი ღონისძიებების გატარება თანამშრომელთა დისტანციური მუშაობის უზრუნველსაყოფად, გარდა იმ შემთხვევებისა, როცა კონკრეტული ფუნქციების განხორციელებისათვის აუცილებელია სამსახურში გამოცხადება;
 - ბ) მოქალაქეთა მიღების შეზღუდვა, გარდა უკიდურესი აუცილებლობისა;

- გ) ეპიდემიური საფრთხის შემცირებამდე შეჩერდეს ისეთი ტიპის კომისიებისა და საბჭოს სხდომების გამართვა რომელზეც ესწრება დაინტერესებული პირები და მოქალაქეები;
- დ) დაწესდეს იმ ტიპის სერვისებზე ხელმისაწვდომობის შეზღუდვა რომელი მომსახურების მიღება დაკავშირებული ხალხმრავლობასა და ისეთ გარემოსთან, სადაც შედარებით მაღალია ვირუსის გავრცელების რისკი:
- დ.ა) საჯარო ინფორმაციის გამოთხოვაზე მატერიალური ფორმით განცხადებების მიღება, აღნიშნულის თაობაზე ახალი განცხადების გავრცელებამდე. საჯარო ინფორმაციის გამოთხოვით დაინტერესებულ პირებს განემარტოთ, რომ საჯარო ინფორმაციის გამოთხოვა შესაძლებელია განხორციელდეს ელექტრონული განცხადების წარდგენით შემდეგ ელექტრონული ფოსტის მისამართზე: www.szs.gov.ge;
- დ.ბ) სახელმწიფო რწმუნებულის ადმინისტრაციაში შესული ადმინისტრაციული საჩივრების განხილვა;
- დ.გ) სახელმწიფო რწმუნებულის ადმინისტრაციაში ვაკანტურ თანამდებობებზე კონკურსების ჩატარება.
- ე) ეთხოვოთ მოქალაქეებს, თუ აუცილებლობას არ წარმოადგენს შესაბამისი სერვისებით სარგებლობისათვის მატერიალური ფორმით განცხადების და დოკუმენტების წარდგენა, ასეთი სერვისის მიღებისათვის მიმართვა განხორციელონ ელექტრონული განცხადების და დოკუმენტების წარდგენით შემდეგ ელექტრონული ფოსტის მისამართზე: www.szs.gov.ge;
- ვ) მოქალაქეებმა მაქსიმალურად თავი შეიკავონ ხალხმრავალ ადგილებში მისვლისგან, მათ შორის, თუ ამის უკიდურესი აუცილებლობა არ დგას. დაინტერესებულ პირებს სახელმწიფო რწმუნებულის ადმინისტრაციის კომპეტენციას მიკუთვნებულ ცალკეულ საკითხებთან დაკავშირებით ინფორმაცია შეუძლიათ მიიღონ დისტანციურად ცხელ ხაზზე: ტელ.: 599 626 561; 591 447 541 დაკავშირების გზით.

2. შეჩერდეს სახელმწიფო რწმუნებულის ადმინისტრაციაში სტაჟიორთა გამოცხადება და მიღება სიტუაციის გამოსწორებამდე.
3. საქართველოს მთავრობის 2020 წლის 12 მარტის №529 განკარგულებით განსაზღვრული პირების გათვალისწინებით ასევე სამსახურში არ გამოცხადდეს საჯარო მოსამსახურეები და შრომითი ხელშეკრულებით დასაქმებული პირი:
 - ა) რომელსაც აქვს ქრონიკული დაავადება/რაიმე სახის იმუნოდეფიციტი, შესაბამისი სტრუქტურული ერთეულის ხელმძღვანელთან შეთანხმებით;
 - ბ) მოსამსახურე:
 - ბ.ა) ორსული ქალი;
 - ბ.ბ) რომელსაც ყავს სკოლამდელი ან/და სასკოლო ასაკის 14 წლამდე ასაკის ბავშვი.
4. ეპიდემიური საფრთხის შემცირებამდე სახელმწიფო რწმუნებულის ადმინისტრაციაში შეიზღუდოს თემატური საჯარო ღონისძიებების ორგანიზება და ჩატარება.
5. დისტანციურ სამუშაო რეჟიმში გადასული თანამშრომელი სამსახურებრივი საჭიროებიდან გამომდინარე მოთხოვნისთანავე, ვალდებულია დაუყოვნებლივ (არა უგვიანეს 1 საათისა) გამოცხადდეს სამსახურში. დისტანციურ სამუშაო რეჟიმში გადასულ პირს უნარჩუნდება შრომის ანაზღაურება.

6. დაევალოს სახელმწიფო რწმუნებულის ადმინისტრაციის სტრუქტურული ერთეულების ხელმძღვანელებს კონტროლზე აიყვანონ ამ განკარგულებით გათვალისწინებული ღონისძიებების შესრულება.
7. დაევალოს სახელმწიფო რწმუნებულის აპარატს, უზრუნველყოს ამ განკარგულების პროაქტიულად გამოქვეყნება.
8. განკარგულება ძალაშია ხელმოწერისთანავე.
9. განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობის დღიდან ერთი თვის ვადაში, ზუგდიდის რაიონულ სასამართლოში (მის.: ქ. ზუგდიდი, რ. ლალიძის ქ. №12).

ალექსანდრე მოწერელია



სახელმწიფო რწმუნებული



საქართველოს ადმინისტრაციულ-ტერიტორიულ ერთეულებში (აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის მუნიციპალიტეტებისა და ქალაქ ფოთის მუნიციპალიტეტში) სახელმწიფო რწმუნებულის ადმინისტრაცია